



Uhapšen tužilac Tužilaštva USK-a Idriz Begić

Tužilac Begić se sumnjiči za krivično djelo zloupotreba položaja i ovlasti, a radi se o koruptivnim radnjama uzimanja mita

Po nalogu Kantonalnog tužilaštva u Sarajevu, jučer su pripadnici Državne agencije za istrage i zaštitu (SIPA) u okviru započete operativne akcije kodnog naziva Miligram, usmjerene protiv korupcije, izvršili pretres u Kantonalnom tužilaštvu Bihać te uhapsili tužioca Idriza Begića. Portparolka Tužilaštva KS-a potvrdila nam je da se sumnjiči za krivično djelo zloupotreba položaja i ovlasti te da se radi o koruptivnim radnjama uzimanja mita.

Zamjenik glavnog tužioca Unsko-sanskog kantona Husein Huzeirović jučer nam je potvrdio informaciju o pretresu. - Pripadnici SIPA su upravo tu i vrše pretres kancelarije kolege Idriza Begića.



Oni imaju naredbu Suda iz Sarajeva i prema tome, mi nemamo više nikakvih informacija koje bismo mogli saopćiti, kazao nam je Huzeirović.

Inače, Idriz Begić je do prije nekoliko godina uz posao tužioca Tužilaštva Unsko-sanskog kantona obavljao i poslove portparola Tužilaštva u Bihaću. Kako navodi Žurnal, Begić je i ranije disciplinski kažnjavao, a dovođen je i u vezu sa prikrivanjem dokaza u predmetu Cvijan Radić i drugi.

F. B.